



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj:
Sarajevo, __. __. 2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na sjednici održanoj __. __. 2021. godine, usvojilo je

Izveštaj o realizaciji programa manifestacije obilježavanja 6. aprila – Dana grada Sarajeva u 2021. godini

PREDSJEDAVAJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

IZVJEŠTAJ
O REALIZACIJI PROGRAMA MANIFESTACIJE OBILJEŽAVANJA
6. APRILA – DANA GRADA SARAJEVA U 2021. GODINI

PREDLAGAČ:
GRADONAČELNICA

OBRADIVAČ:
GRADSKA SLUŽBA ZA OBRAZOVANJE,
KULTURU, SPORT I MLADE

Sarajevo, juni, 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Izveštaj o realizaciji programa manifestacije obilježavanja
6. aprila – Dana grada Sarajeva u 2021. godini

I UVOD

Izveštaj je pripremljen u skladu sa Programom rada Gradskog vijeća Grada Sarajeva za 2021. godinu i ima za cilj potpuno informisanje vijećnika o realizaciji Programa obilježavanja manifestacije 6. aprila – Dana grada Sarajeva u 2021. godini. Gradsko vijeće Grada Sarajeva je, na sjednici održanoj 30.12.2020. godine, usvojilo Odluku o davanju saglasnosti na Program obilježavanja 6. aprila – Dana grada Sarajeva u 2021. godini, broj 01-GV-02-1285/20. Bilo je izvjesno da će u aprilu 2021. godine i dalje na snazi biti epidemiološke mjere (COVID-19), stoga je program dijelom prilagođen i reduciran u odnosu na prethodne godine. Programom obilježavanja Dana grada Sarajeva za 2021. godinu planirano je održavanje kulturnih i sportskih manifestacija, Svečana sjednica Gradskog vijeća Grada Sarajeva, dječji program, program na otvorenom, polaganje cvijeća i odavanje počasti na spomen obilježja u gradu Sarajevu.

U nastavku slijedi detaljan Izveštaj o realizaciji Programa obilježavanja manifestacije 6. aprila – Dana grada Sarajeva u 2021. godini.

II ODAVANJE POČASTI I POLAGANJE CVIJEĆA

Delegacija Grada Sarajeva – gradski vijećnici predvođeni gradonačelnikom mr. Abdulahom Skakom i predsjedavajućim Gradskog vijeća Grada Sarajeva Jasminom Ademovićem, zajedno sa predstavnicima drugih nivoa vlasti, položila je cvijeće na spomen-obilježja grada Sarajeva i odala počast poginulim braniteljima grada i žrtvama fašizma u povodu 6. aprila – Dana grada Sarajeva prema ranije utvrđenom protokolu:

Utorak, 06.04.2021.

- | | |
|-------|---|
| 08:30 | Vječna vatra |
| 09:00 | Šehidsko mezarje „Kovači“
Mezar Prvog predsjednika R BiH, Alije Izetbegovića |
| 09:30 | Spomen obilježje ubijenoj djeci opkoljenog Sarajeva 1992.-1995. |
| 09:45 | Spomen obilježje ubijenim policajcima u Velikom parku |
| 10:00 | Gradska groblja: Lav, Sv. Josip, Sv. Marko i Mezarje Stadion |

10:15	Bista Vladimir Perić -Valter
10:30	Spomen park „Vraca“
11:00	Policijska škola „Vraca“
11:30	Staro Jevrejsko groblje
12:00	Spomen obilježje ispred Općine Novi Grad Sarajevo

III KULTURNE MANIFESTACIJE

ŠESTOAPRILSKA IZLOŽBA „COLLEGIUM ARTISTICUM“, 24.04.2021. u 13.00 sati je dodjelom nagrada (zatvorena za širu publiku) zvanično otvorena izložba „Collegium artisticum 2021“, u Galeriji Collegium artisticum u Centru Skenderija. Izložba je za posjetioce bila otvorena do 25.05.2021. godine. Organizator izložbe u 2021. godini je Asocijacija arhitekata BiH za sva tri strukovna udruženja AABiH, ULUBiH i ULUPUBiH

Šestoaprilaska izložba „Collegium artisticum“ od 1975. godine tradicionalno se organizira u povodu Dana grada Sarajeva. Ovo je posebna prilika kada istaknuti stvaraoci izlažu svoja najvrjednija ostvarenja u protekloj godini. Na izložbi su uručene nagrade „Collegium artisticum 2021“ za najbolja ostvarenja članova ULUPUBiH, ULUBiH i AABiH. Otvaranju izložbe prisustvovala je zamjenica gradonačelnice Sarajeva Anja Margetić. Tom prilikom uručena joj je Zahvalnica organizatora izložbe – Gradu Sarajevu na kontinuiranoj podršci. Tročlana stručna internacionalna komisija za selekciju i valorizaciju radova za ovogodišnju izložbu Collegium artisticum 2021 – Arhitektura u sastavu: Mirna Pedalo, Malina Čvoro i Margita Grubiša je od 35 pristiglih radova iz cijele Bosne i Hercegovine, odabrala 22 rada koji su izloženi na ovogodišnjoj izložbi. Među njima je nagrađeno sedam radova u slijedećim kategorijama:

GRAND PRIX – Ilma i Zejd Kobilica, Studio Trokut za projekat MEKTEB (Smailbegovići, Breza)

NAGRADA ZA REALIZACIJU – FILTER Arhitektura za projekat VHLS (Mostar)

NAGRADA ZA IDEJU – Projekt V Arhitektura za projekat (MALO) MINISTARSTVO ZNANJA

NAGRADA ZA ENTERIJER – Fo4a Arhitektura za projekat STAY AT HOME

NAGRADA ZA PUBLIKACIJU – Sabina Tanović za knjigu DESIGNING MEMORY

SPECIJALNO PRIZNANJE ZA PARTICIPACIJU I AKTIVIZAM U ARHITEKTURI – Igor Kuvač i Small Scale Tim za projekat DOMESTICATE (Odomaćivanje u javnom prostoru)

SPECIJALNO PRIZNANJE ZA KONKURSNI RAD – Trokut i Polygon Workshop for architecture za projekat DAISY CULTURAL CENTRE

SPECIJALNO PRIZNANJE ZA URBANIZAM – Emina Alić, Asmir Šabić, Zejd Kobilica, Jasmin Sirčo za projekat SARAJEVSKI MOZAIK

Izvor: <https://aabh.ba/collegium-artisticum-2021/>.

Grad Sarajevo podržao je organizaciju izložbe iznosom od 3.000,00 KM.

Izložba likovnih radova „VRATA MOGA GRADA“, Grad Sarajevo u saradnji sa JU Srednjom školom primijenjenih umjetnosti u trajanju od 6. do 13.04.2021. godine u Galeriji Akademije likovnih umjetnosti, zvanično otvorena na Dan grada Sarajeva, 6.04.2021. u 12.30 sati.

Izložba je koordinirani projekat Grada Sarajeva i nastavnika Srednje škole primijenjenih umjetnosti Sarajevo koji obuhvata javni poziv za takmičenje učenika svih srednjih škola sa područja KS, nagrade i otkup najuspješnijih radova uz prigodnu izložbu. Cilj projekta je razvijanje kreativnosti, likovnosti i takmičarskog duha kod učenika, uz mentorstvo priznatih umjetnika, upoznavanje učenika s multikulturalnošću ambijenta grada Sarajeva te na najbolji način obilježi 6. april – Dan grada Sarajeva. Naziv izložbe „Vrata moga grada“ inspirisan je svakodnevnom gradskom situacijom i mjestima kojima se svakodnevno krećemo te vrata kroz koja prolazimo. Ona simbolizuju prolaz iz jednog svijeta u drugi svijet, prag između spoljnog i unutrašnjeg, poznatog i nepoznatog, kao i profanog i sakralnog. „Vrata predstavljaju graničnu funkciju, razdvajanje i zaštitu prostora. U alegorijskom smislu, vrata su simbol novog početka.“ Sredstva Grada Sarajeva za realizaciju cjelokupnog projekta uključujući i novčane nagrade izdvojena su u iznosu od 3.500,00 KM. Gradonačelnik Abdulah Skaka zvanično je otvorio izložbu, čestitao mladim autorima i proglasio najbolje radove.

I nagrada

Autor: Almedin Mešić – JU Srednja škola primijenjenih umjetnosti Sarajevo

II nagrada

Autor: Emina Muratović – JU Srednjoškolski centar „Nedžad Ibrišimović“ Ilijaš

III nagrada

Autor: Lamija Kabaš – JU Srednja muzička škola Sarajevo

IV SPORTSKE MANIFESTACIJE

Sportske manifestacije koje su pomjerile datum održavanja i koje su održane:

MEĐUNARODNI KUGLAČKI TURNIR ZA SLIJEPE „SARAJEVO 2021“ Termin: 09.-10.04.2021. godine (pomjereno i održano 29.05.2021.). Mjesto održavanja: Kuglana „Zetra“. Organizator: Sportsko društvo slijepih i slabovidnih KS. Povodom Dana grada Sarajeva, u kuglani „Zetra“, održan je 12. Međunarodni kuglački turnir za slijepce „Sarajevo 2021“. Uvažavajući propisane epidemiološke mjere koje su limitirale broj učesnika u zatvorenom prostoru te je učestvovalo znatno manje takmičara nego prethodnih godina. Na turniru je nastupio 31 kuglaš i kuglašica iz 8 ekipa (Subotice, Novog Sada, Beograda, Visokog, Banja Luke i Sarajeva). Ekipno prvo mjesto je osvojila ekipa SD SIS KS 1, drugo mjesto ekipa VID Banja Luka, treće mjesto SD SIS KS 2. U pojedinačnoj konkurenciji bilo je šest

kategorija tri muške i tri ženske kategorije. Najuspješniji su bili kuglaši iz Sarajeva koji su osvojili pet zlatnih medalja.

MEĐUNARODNI KOŠARKAŠKI TURNIR Termin: 09.-11.04.2021. godine (pomjeren i održan turnir 28-30.05.2021.). Mjesto održavanja: Centar Skenderija. Organizator: Košarkaški klub „Koš“. Na ovogodišnjem turniru učestvovalo je po četiri ekipe iz četiri zemlje Hrvatske, Srbije, Srne Gore i Bosne i Hercegovine u kategorijama pionira i kadeta. U kadetskoj konkurenciji pobijedila je ekipa KK Partizan iz Beograda, drugo mjesto osvojila je ekipa domaćina KK KOŠ, a treće mjesto pripalo je ekipi Zadra. Proglašena je i najbolja petorka turnira Ajdin Bećirović – KK Koš, Belmin Avdić – KK Koš, Roko Lukić – KK Zadar, Aleksa Milenković – KK Partizan i Vasilije Todorović – KK Studentski centar. Najkorisniji igrač je bio Efe Tahmaz iz KK Partizan.

U konkurenciji pionira prvo mjesto osvojila je ekipa KK Zadar, drugo mjesto je osvojila ekipa KK Koš, a treće je pripalo ekipi KK Partizan. Najbolja petorka u ovoj konkurenciji bila u sastavu Hamza Đedović – KK Koš, Ajdin Delić – KK Koš, Vice Grbić – KK Zadar, Mladen Milicevic – KK Partizan, Bakir Dedović – KK Spars. Za najkorisnijeg igrača proglašen je Toni Torbarina iz KK Zadar,

Takmičenje je otvorio zamjenik gradonačelnice Haris Bašić.

TURNIR U STRELJAŠTVU ZA OSOBE SA INVALIDITETOM Termin: 27.03.2021. godine (pomjeren i održan 17.04.2021.). Mjesto održavanja: Streljana „Zetra" Organizator: Streljački savez invalidnih lica FBiH. U povodu 6. aprila – Dana grada Sarajeva, a u organizaciji Streljačkog saveza osoba sa invaliditetom Federacije Bosne i Hercegovine na strelištu Zetra, održan 18. Tradicionalni šestoaprilski turnir u streljaštvu za osobe sa invaliditetom. Učestvovalo je 8 ekipa sa preko 60 strijelaca iz Sarajeva, Zenice, Tuzle, Maglaja, Tešnja, Banovića i Živinica. Strijelci su se takmičili u ekipnoj i pojedinačnoj konkurenciji i postigli zapažene rezultate. U ekipnom plasmanu prvo mjesto osvojila je ekipa SIK Tuzla sa 534 kruga, drugo mjesto pripalo je SK OSI Novi Grad Sarajevo sa 502 kruga, a treće SKOSI Tešanj sa 455 krugova. Zlatne medalje po kategorijama invalidnosti osvojili su Šaban Fatić, Ervin Bejdić i Fahrudin Mujić. U ekipnoj konkurenciji kod žena ekipa SKOSI Živinice je osvojila prvo mjesto sa 358 krugova, drugo mjesto je osvojila ekipa SKOSI Zenica sa 334 kruga, a treće mjesto pripalo je ekipi SI Tuzla sa 309 krugova. Zlatne medalje po kategorijama invalidnosti osvojile su Rasma Beganović, Safeta Jagodić i Zerina Skomorac.

Manifestacije koje su pomjerile datum održavanja i još uvijek nisu održane:

MEĐUNARODNI HRVAČKI TURNIR „KUP GRADA SARAJEVA 2021“ Termin: 03.04.2021. godine (pomjereno za septembar). Mjesto održavanja: Olimpijska dvorana „Juan Antonio Samaranch". Organizator: Hrvачki klub „Bosna“.

MEĐUNARODNI ŠESTOAPRILSKI TURNIR U STRELJAŠTVU Termin: 02-04.04.2021. godine (pomjereno za 18-19.09.2021.). Mjesto održavanja: Streljana „Zetra“. Organizator: Streljački klub „Sarajevo“.

MEĐUNARODNI PLIVAČKI MITING „SARAJEVU S LJUBAVLJU 2021“ Termin: 03- 04.04.2021. godine (pomjereno za septembar-oktobar). Mjesto održavanja: Olimpijski bazen „Otoka“. Organizator: Plivački klub „Bosna“.

MEĐUNARODNI ŠAHOVSKI FESTIVAL „SARAJEVO 2021“ Termin: 04.04.2021. godine (pomjereno za 05.09.2021.). Mjesto održavanja: Dom oružanih snaga BiH. Organizator: Šahovski klub „Sarajevo“.

MEĐUNARODNI MEMORIJALNI JUDO TURNIR „VINKO ŠAMARLIĆ“ Termin: 06.04.2021. godine (pomjereno za 26.06.2021.). Mjesto održavanja: Sportska dvorana Novo Sarajevo. Organizator: Judo klub „Željezničar“.

MEĐUNARODNI TURNIR U RITMIČKOJ GIMNASTICI „SUADA DILBEROVIĆ“ Termin: 03-04.04.2021. godine (pomjereno za 02-03.10.2021). Mjesto održavanja: Sportska dvorana Novo Sarajevo. Organizator: Klub ritmičke gimnastike „Bosna Gym“.

Otkazane manifestacije:

KARATE TURNIR „KARATE KUP OSLOBOĐENJA – MEMORIJAL SALKO ĆURIĆ“

Termin: 11.04.2021. godine. (otkazan) Mjesto održavanja: Centar Skenderija Dvorana 1. Organizator: Karate klub „Salih Salko Ćurić“.

Sportske manifestacije čiji su organizatori odustali od organizacije:

Međunarodni fudbalski turnir „VALTER KUP“

Ekipno prvenstvo osnovnih škola u šahu

Međunarodna revija sporta učenika srednjih škola

Prije nego je Gradska služba za obrazovanje, kulturu, sport i mlade krenula u proceduru pripreme Programa obilježavanja 6. aprila – Dana grada Sarajeva u 2021. godini, a koji se treba po Programu rada Gradskog vijeća razmatrati na sjednici Gradskog vijeća u decembru 2020. godine, kontaktirani su svi organizatori sportskih manifestacija koje se nalaze u Programu obilježavanja 6. aprila – Dana grada Sarajeva. Od njih je traženo, uvažavajući činjenicu i novonastalu situaciju sa pandemijom COVID-19, da se izjasne da li planiraju i kada da održe svoju manifestaciju. Samo tri organizatora su nas obavijestili da se ne smiju upustiti u rizik te su Službu obavijestili da neće organizovati manifestaciju, dok su se drugi izjasnili da planiraju organizovati ukoliko epidemiološki uslovi budu dozvoljavali.

U skladu s tim napravljen je prijedlog programa obilježavanja 6. aprila – Dana grada Sarajeva koje je Gradsko vijeće usvojilo na decembarskoj sjednici 2020. godine.

Nažalost, epidemiološke prilike u martu i aprilu 2021. godine te mjere Kriznog štaba KS nisu dozvolile organizatorima da se manifestacije održe u planiranom terminu pa su pomjerene za neki drugi termin, odnosno kada se epidemiološka situacija značajno popravi. Nijedna sportska manifestacija nije održana u predviđenom terminu zbog pogoršane epidemiološke situacije i mjere zatvaranja koja je uslijedila u Kantonu Sarajevo.

Ponovo je Služba kontaktirala organizatore i tražila da dostave nove termine za organizaciju manifestacija, što su organizatori i učinili.

Za manifestacije koje su održane, odnosno organizatorima manifestacija, nisu još odobrena niti uplaćena sredstva za pokrivanje dijela troškova organizacije manifestacije.

V PROGRAM NA OTVORENOM/ONLINE FORMAT

Dječji kulturno-umjetnički program

Projekat „SARAJEVO VAS ZOVE“ u saradnji sa JU Centar kulture i mladih Općine Centar, obzirom na propisane mjere uslijed pandemije COVID-19, realiziran je 6. aprila 2021. godine u prilagođenom online formatu i na ulicama grada Sarajeva. U programu trajanja cca 80 minuta učestvovali su brojni poznati i mladi izvođači – muzičari, plesači, glumci, pjevači, mađioničari i animatori. Voditelji programa bili su glumci Mona Muratović, Armin Omerović i Tarik Džinić. Online emitovanje realizovano je 6. aprila 2021. godine u 18.00 sati na platformama Grada Sarajeva, JU Centar kulture i mladih Općine Centar i Udruženja „Mali ambasadori Sarajeva“. Također, kao edukativni dio programa, partner projekta Udruženje „Mali ambasadori Sarajeva“ organizovalo je besplatnu turu po gradu „Duhom olimpijskih igara“ za djecu od osam do 13 godina, „Sarajevska dama Vijećnica“ za djecu od 10 do 15 godina te obilazak užeg jezgra grada Sarajeva za djecu do 10 godina. U programu su učešće uzeli i članovi muzičke sekcije Centra za slijepu i slabovidnu djecu i omladinu. Za kompletnu organizaciju, najam prostora i opreme, angažman učesnika, scenarij, režiju, grafički dizajn, tehničku i druge elemente realizacije, Grad Sarajevo je izdvojio 9.500,00 KM.

Kafa s gradonačelnikom

Zbog epidemiološke situacije tradicionalno druženje građana na Baščaršijskom trgu sa zvaničnicima i gostima Grada Sarajeva, nije održano.

VI SVEČANA SJEDNICA GRADSKOG VIJEĆA GRADA SARAJEVA

Svečana sjednica Gradskog vijeća Grada Sarajeva zbog epidemiološke situacije nije se mogla održati. Ovo je i razlog zbog kojeg Šestoaprilske nagrade i priznanja Grada Sarajeva, u skladu sa Odlukama Gradskog vijeća Grada Sarajeva, nisu mogle biti lično uručene na prigodnoj svečanosti.

VII MEĐUNARODNA SARADNJA

Programom međunarodne saradnje Grada Sarajeva za 2021. godinu predviđeno je obilježavanje 6. aprila – Dana grada Sarajeva u prisustvu delegacija pobratimskih i prijateljskih gradova. Nažalost, zbog pandemije COVID-19, ova aktivnost nije realizovana u 2021. godini.

Međutim, vrijedno je istaći da ni ove godine nisu izostale čestitke brojnih pobratimskih i prijateljskih gradova među kojima su Vukovar, Magdeburg, Podgorica, Skoplje...